

# ଯୋହନଙ୍କ ଲିଖିତ ପ୍ରଥମ ପତ୍ର ଜହନ୍ ଲେକ୍‌ଲା ହଃତୁଁ ଜହନ୍ ଏ ଜହନ୍ ଚିଟି ବିସୟେ ହଃଦେକ୍

ହଃତୁଁ ଜହନାର ଚିଟି ଜିସୁକ୍ରିସ୍ଟର ଜଃଲମ୍ ହଃତେ ୫୦-୧୦୦ ମଃସିଆ ବିତ୍ତେ ପେରିଡ୍ ଜହନ୍ ଲେକିରିଲା । ଜହନ୍ ନିଜେ ଇ ବୟ ଲେକି ଆଚି ବଃଲି ନଃଜାଣାଉଁଲା, ମଃତର୍ ହଃତୁଁ ବାଗେ ସେ କ୍ରିସ୍ଟର ଜିବନ୍ ଆର୍ ଉଚ୍ତାର୍ ସେ ଅଃକାୟ୍ ଦଃକ୍‌ଲା ସାକି ବଃଲି ଜାଣା ଜଃଉଁଲି ୧:୧-୩ । ହଃତୁଁ ଜହନାର ଲେକା ତଃରିକା ଜହନ୍ ଲେକ୍‌ଲା ନିକ କରୁରାର୍ ଲେକାର୍ ତଃରିକା ସଃଙ୍ଘ୍ ବେସି ହାକାହାକି ଜାଣାହଃଲୁଲି । ଇରି ବିସ୍ବାସ୍ ଜାଣାହଃଲୁଲି ଜେ, ଜଃତେବଃଲ୍ ସେ ଏପିସିଏ ରିଲା ସଃତେବଃଲ୍ ସେ ଜହନ୍ ନିକ କରୁର୍ ଆର୍ ଜହନାର୍ ତିନିଗର୍ ଚିଟି ଲେକିରିଲା ତଃବେ, ୧ ଜହନ୍, ୨ ଜହନ୍, ୩ ଜହନ୍ ।

ଗ୍ୟାନି ବଃଲି କଃଉଆ ଜାତିରିଲା ଦଃଲେକ୍ ଲକମଃନାର୍ ଦଃୟ୍ ମଣ୍ଡଲି ଜଃଞ୍ଜାଲେ ହଃଲ୍‌ତି ରିଲା ବଃଲେ ଜହନ୍ ସଃବୁ କ୍ରିସ୍ଟିଆନ୍‌ମଃନକେ ଇ ଚିଟି ଲେକି ରିଲା । ସେମଃନ୍ ବିସ୍ବାସ୍ କଃତ ରିଲାୟ୍ ଜେ, ଜିସୁ ଅଃଉଁଲା ସଃତକଃରି ହୁରାହୁରି ଇସ୍ବର୍ ମଃତର୍ ଜଃଗତେ ରେତା ବଃଲ୍ ସେ ଗଃଗାଲ୍ ଦଃର୍ଲା ମାନାୟ୍ ରିଲା । ଜହନ୍ ଜିସୁ କ୍ରିସ୍ଟକେ ନିଜ୍ ଆକାୟ୍ ଦଃକ୍‌ଲା ସାକି ଆର୍ ତାର୍ ଆଡ୍ ଜିସୁକେ ତୁୟ୍ ରିଲାର୍ ଗିନେ ସେ ଇରି ଲେକ୍‌ଲା ୧:୧-୩ । ଜହନ୍ ଇ ଚିଟି ଲେକ୍‌ତାର୍ ଅଃର୍ଡ୍ ତାର୍ ସଃର୍ଦା ହୁର୍ନ୍ କଃରୁକେ ୧ ଜହ ୪:୧ ଆର୍ ବିସ୍ବାସିମଃନକେ ହାହେହୁଣି ଦୁରିକେ ରେଉଁକେ, ୧ ଜହ ୨:୧ ଆର୍ ମିର୍ ସିକ୍ୟା ତଃୟ୍‌ହୁଣି ବିସ୍ବାସିମଃନକେ ରଃକ୍ୟା କଃରୁକେ ୧ ଜହ ୨:୨୬ ଆରେକ୍ ବିସ୍ବାସିମଃନ୍ ରଃକ୍ୟା ହାୟ୍ ଆତୁ ବଃଲି ହୁରାହୁରି ବିସ୍ବାସ୍ କଃରାଉଁକ୍ ୫:୧୩ ।

**ଇ ବଇ ବିତ୍ତେ ରିଲା ମୁକ୍ ବିସୟମଃନ୍**

- ୧. ଜହନ ତାର ଚିଚିର ଚିକ୍ଷା ଦେତା ସଞ୍ଜ ଇ ଚିଚି କାୟତାକ୍ ଲେକୁଲା ସେ ବିସୟେ ହେଁ ଲେକୁଲା । ୧:୧-୪
- ୨. ଇସ୍ବର୍ କଞ୍ଚକଞ୍ଚରି ନିଜେ ଉଜାଲ୍ ବୁଜାୟ୍ କଞ୍ଚରି ଜିସୁ ହର୍ ଜିବନ୍ କାରୁକେ କଞ୍ଚଉଁଲା । ୧:୫-୩:୧୦
- ୩. ଇସ୍ବରକେ ଲାଡ଼ କଞ୍ଚର୍ତା ବିସୟେ ଅଞ୍ଚିମଞ୍ଚନ୍ କ୍ ମଞ୍ଚନେ ଏତାୟ୍ ଦେଉଁଲା । ୩:୧୧-୫:୧୨
- ୪. ସେ ତାର୍ ଲେକା ସଞ୍ଚରାୟ୍ଲା । ୫:୧୩-୨୧

**ଜିବନ୍ ଦେତା ବାକ୍ୟ**

1 ✨ଆରୁମେ ଜେ ରିଲା ଜାର୍ ବାକ୍ୟ ଅଞ୍ଚିମଞ୍ଚନ୍ ସୁଣି ଆରୁ, ଜାକେ ନିଜ୍ଆକାୟ୍ ଦଞ୍ଚି ଆରୁ । ଆର୍ ନିଜାର୍ ଆତେ ରୁୟ୍ ଆରୁ, ସେ ଜିବନ୍ ହର୍ କଞ୍ଚତାକ୍ ତୁମିମଞ୍ଚନକେ ଜାଣାଉଁଲୁ । 2 ✨ସେ ଜିବନ୍ ଦଞ୍ଚକାୟ୍ ଅୟ୍ଲା ଆର୍ ଅଞ୍ଚିମଞ୍ଚନ୍ ଦଞ୍ଚିଆରୁ ଆର୍ ସାକି ଦେଉଁଲୁ; ଜୁୟ୍ ଅଞ୍ଚ୍ବର୍ ଜିବନ୍ ଉବାର୍ ସଞ୍ଚ ରିଲା ଆର୍ ଅଞ୍ଚିମଞ୍ଚନାର୍ ତଞ୍ଚୟ୍ ଦଞ୍ଚକାୟ୍ ଅୟ୍ଲା, ତାର୍ କଞ୍ଚତା ତୁମିମଞ୍ଚନକେ ଜାଣାଉଁଲୁ । 3 ଜାୟ୍ରି ଅଞ୍ଚିମଞ୍ଚନ୍ ଦଞ୍ଚି ଆରୁ ଆର୍ ସୁଣି ଆରୁ ସେରି ତୁମିମଞ୍ଚନକେ ହେଁ ଜାଣାଉଁଲୁ, ଜଞ୍ଚକଞ୍ଚରି ତୁମିମଞ୍ଚନ୍ ହେଁ ଅଞ୍ଚିମଞ୍ଚନାର୍ ସଞ୍ଚ ମିସାବିଲା କଞ୍ଚରୁ ହାରାସ, ଅଞ୍ଚିମଞ୍ଚନାର୍ ଉବା ଆର୍ ତାର୍ ହୟ୍ସି ଜିସୁ କ୍ରିସ୍ବର୍ ସଞ୍ଚ ଆଚେ । 4 \*ଅଞ୍ଚିମଞ୍ଚନାର୍ ସଞ୍ଚର୍ତା ଜଞ୍ଚକଞ୍ଚରି ହୁନ୍ ଅୟ୍ଦ୍ ଇତାର୍ ଗିନେ ଅଞ୍ଚିମଞ୍ଚନ୍ ଇ ସଞ୍ଚୁ ଲେକୁଲୁ ।

**ଇସ୍ବର୍ ଉଜାଲ୍**

5 ଅଞ୍ଚିମଞ୍ଚନ୍ ତାର୍ ତଞ୍ଚୟ୍ ହୁଣି ଜୁୟ୍ କବୁର୍ ସୁଣି ଆରୁ ଆର୍ ତୁମିମଞ୍ଚନକେ ଜାଣାଉଁଲୁ ସେରି ଇରି ଇସ୍ବର୍ ଉଜାଲ୍ ଆର୍ ତାର୍ ଚାଣେ ଅଞ୍ଚକ୍ ହେଁ ଅଞ୍ଚୟ୍ ନାୟ୍ 6 ତାର୍ ସଞ୍ଚ ଅଞ୍ଚାର୍ ମିସାଣ୍ ଆଚେ, ଇରି କୟ୍ ଜଦି ଅଞ୍ଚିମଞ୍ଚନ୍ ଅଞ୍ଚୟ୍ରେ ଜିବନ୍ କାରୁୟ୍, ସେନ୍ଅୟ୍ଲେକ୍ ଅଞ୍ଚିମଞ୍ଚନ୍ ମିରୁଆମଞ୍ଚନ୍ ଆର୍ ସଞ୍ଚେ ଜିବନ୍ ନଞ୍ଚକାରୁଲୁ । 7 ମଞ୍ଚତର୍ ସେ ଜଞ୍ଚକଞ୍ଚରି ଉଜାଲେ ବାସାକାରି, ଅଞ୍ଚିମଞ୍ଚନ୍ ଜଦି ସେନ୍କଞ୍ଚରି ଉଜାଲେ ଚାଲ୍ଚାଲ୍ଚି କଞ୍ଚରୁଲୁ, ତଞ୍ଚବେ

---

✨ 1:1 ୧:୧ ଜହ ୧:୧. ✨ 1:2 ୧:୨ ଜହ ୧:୧୪. \* 1:4 ୧:୪ ଅଞ୍ଚାର୍ - କଞ୍ଚତେକ୍ ହର୍ତା ଲେକାୟ୍ ତୁମାର୍ ।

ଅଃମିମଃନାର ବିତ୍ରେ ମିସିକଃରି ଆଚେ । ଆରେକ୍ ତାର ହୟସି ଜିସୁର୍  
ବଃନି ସଃରୁ ହାହେ ହୁଣି ଅଃମିମଃନକ୍ ନିର୍ମୁଲ୍ କଃରେଦ୍ ।

<sup>8</sup> ଅଃମିମଃନାର ହାହ୍ ନାୟ୍ ଇରି ଜଦି କଃଉୟ୍ ତଃନଅୟ୍ଲେକ୍  
ଅଃହ୍ଣା ଅଃହ୍ଣାକ୍ ଜଃରୁଲ୍ । ଆରେକ୍ ଅଃମାର୍ ତଃୟ୍ ସଃଡ୍ ନାୟ୍  
। <sup>9</sup> ଜଦି ଅଃମିମଃନ ଇସ୍ପରାର୍ ତଃୟ୍ ନିଜ୍ନିଜ୍ନେ ହାହି ବଃଲି  
କଃଉୟ୍ ତଃବେ ସେ ଅଃମାର୍ ହାହ୍ କେମା କଃରୁକେ ଆର୍ ସଃରୁ  
ଅଃଦଃର୍ମେ ହୁଣି ଅଃମିମଃନକ୍ ନିର୍ମୁଲ୍ କଃରୁକେ ବିସ୍ପାସାର୍ ଜୟ୍ଗ୍  
ଆର୍ ନ୍ୟାୟ୍ବାନ୍ । <sup>10</sup> ଅଃମିମଃନ ହାହ୍ ନଃକେରୁ ଇରି ଜଦି କଃଉୟ୍  
ତଃନଅଲେ ଅଃମିମଃନ ତାକେ ମିରୁଆ କଃରୁୟ୍ ଆରେକ୍ ତାର୍ ବାକ୍ୟ  
ଅଃମାର୍ ତଃୟ୍ ନାୟ୍ ।

## 2

### ମୁକ୍ତିକାରି ଜିସୁ

<sup>1</sup> ଏ ମର୍ ଲାତାର୍ ହିଲାମଃନ ତୁମିମଃନ ଜଃନକଃରି ହାହ୍  
ନଃକେରାସ୍, ଇତାର୍ ଗିନେ ମୁୟ୍ ଇ ସଃରୁ ତୁମିମଃନାର୍ ହାକ୍  
ଲେକୁଲେ । ମଃତର୍ କେ ଜଦି ହାହ୍ କଃରେଦ୍ ସେନ୍ ଅୟ୍ଲେକ୍  
ଉବାର୍ ଚଃମେ ଅଃମିମଃନାର୍ ଗିନେ ଗଃଉଆରି କଃରୁକେ ଗର୍  
ମାନାୟ୍ ଆଚେ ସେ ଅଃଉଁଲା ଦଃର୍ମ୍ ଜିସୁ କ୍ରିସ୍ଟ୍ । <sup>2</sup> ଆର୍ ସେ  
ଅଃମିମଃନାର୍ ହାହାର୍ ଗିନେ, ଅଃକାୟ୍ ଅଃମାର୍ ହାହାର୍ ଗିନେ ନଃୟ୍  
ମଃତର୍ ହୁତ୍ ଜାକର୍ ହାହାର୍ ଗିନେ ହେଁ ହୁଜା ଅୟ୍ଆଚେ ।

<sup>3</sup> ଜଦି ଅଃମିମଃନ ତାର୍ ଆଦେସ୍ ମାନୁୟ୍ ତଃବେ ଅଃମିମଃନ  
ସେତି ହୁଣି ଜାଣୁ ହାରୁୟ୍ ଜେ, ଅଃମିମଃନ ତାକ୍ ଜାଣିଆରୁ । <sup>4</sup> ତାର୍  
ବିଦି ନଃମାନିକଃରି ତାକ୍ ଜାଣି ବଃଲି ଜେ କୟ୍ଦ୍, ସେ ମିରୁଆ ଆର୍  
ତାର୍ ତଃୟ୍ ସଃଡ୍ ନାୟ୍ <sup>5</sup> ମଃତର୍ ଜେ, ତାର୍ ବଲ୍ ମାନେଦ୍ ତାର୍  
ତଃୟ୍ ଇସ୍ପରାର୍ ଲାଡ୍ ସଃଡ୍କଃରି ହୁର୍ନ୍ ଅୟ୍ଆଚେ । ଇତାର୍ ଗିନେ  
ଅଃମିମଃନ ଜାଣୁୟ୍ ଜେ, ଅଃମିମଃନ ତାର୍ ତଃୟ୍ ଆରୁ । <sup>6</sup> ଜେ ତାର୍  
ତଃୟ୍ ଆଚି ବଃଲି କୟ୍ଦ୍ ସେ ଜିସୁର୍ ହର୍ ଜିବନ୍ କାଟ୍ତାର୍ ହେଁ ଲଲା  
ଆଚେ ।

### ନଃଉଆଁ ଆଦେସ୍

7 ☆ଏ ଲାଡ଼ାର ବାୟୁବେଣିମଠନ୍ ମୁଁୟ୍ ତୁମିମଠନାର ହାକ୍ କାୟୁହେଁ ନଠଉଆଁ ଆଦେସ୍ ନଠଲେକି ମଠତର୍ ଆରୁମେ ଜୁୟ୍ ହଠର୍ନା ବଲ୍ ତୁମିମଠନ୍ ହାୟ୍ ଆଚାସ୍, ସେରି ଲେକୁଲେ, ଜୁୟ୍ ବିସୟ୍ ତୁମିମଠନ୍ ସୁଣି ଆଚାସ୍ ସେରି ହଠକା ସେ ହଠର୍ନା ଆଦେସ୍, 8 ଆରେକ୍ ଗର୍ତର୍, ମୁଁୟ୍ ନଠଉଆଁ ଆଦେସ୍ ହର୍ ମଠତର୍ ତୁମିମଠନାର ହାକ୍ ଲେକୁଲେ ଇରି ତାର୍ ତଠୟ୍ ଆର୍ ତୁମାର୍ ତଠୟ୍ ସଠତ୍ ବଠଲି ଜାଣା ହଠଲେଦ୍ । କାୟୁତାକ୍ବଠଲେକ୍ ଅଠନ୍ଦାର୍ ଗୁଚିଜଠଉଲି ଆର୍ ସଠତ୍ ଉଜାଲ୍ ଜାଣା ହଠଲଲିନି ।

9 ଜେ ନିଜାର୍ ବାୟୁ ଆର୍ ବେଣିକେ ଲାଡ଼ନଠକେରି କୟୁଦ୍ ଜେ, ସେ ଉଜାଲେ ଆଚେ, ମଠତର୍ ସେ ଅଠବେ ହଠତେକ୍ ହେଁ ଅଠନ୍ଦାରେ ଆଚେ । 10 \*ଜେ ଅଠହଣାର୍ ବାୟୁବେଣିକେ ଲାଡ଼ୁ କଠରେଦ୍ ସେ ଉଜାଲେ ରଠୟ୍ଦ୍, ଆରେକ୍ ସେ କଠନ୍କଠରିହେଁ ଜଟ୍ୟାୟ୍ ନୟ୍ । 11 ମଠତର୍ ଜେ ଅଠହଣାର୍ ବାୟୁବେଣିକେ ଗିଣ୍ କଠରେଦ୍ ସେ ଅଠନ୍ଦାରେ ଆଚେ, ଆରେକ୍ ଅଠନ୍ଦାରେ ବାଟ୍ ଇଣ୍ଟି କେଣେ ଜଠଉଲ୍ଲା ସେରି ନିଜେ ନଠଜାଣେ ବଠଲେକ୍ ଅଠନ୍ଦାର୍ ତାର୍ ଆକିକେ କାଣା କଠରି ଆଚେ ।

12 ଏ ଇସ୍ପରାର୍ ହିଲ୍ଲାମଠନ୍ ମୁଁୟ୍ ୍ତୁମାର୍ ହାକ୍ ଲେକୁଲେ, ବଠଲେକ୍ ଜିସ୍ପର୍ ନାଉଁଆର୍ ଗିନେ ତୁମାର୍ ହାହ୍ କେମା ଅୟ୍ଆଚେ । 13 ଏ ଉବାମଠନ୍ ମୁଁୟ୍ ତୁମିମଠନାର୍ ହାକ୍ ଲେକୁଲେ, ବଠଲେକ୍ ଜେ ମୁଲେ ହୁଣି ଆଚେ ତାକ୍ ତୁମିମଠନ୍ ଜାଣି ଆଚାସ୍ । ଏ ଦଙ୍ଗ୍ଲା ହିଲ୍ଲାମଠନ୍ ମୁଁୟ୍ ତୁମିମଠନାର୍ ହାକ୍ ଲେକୁଲେ, ବଠଲେକ୍ ତୁମିମଠନ୍ ହାହ୍ ଆମ୍ବାକେ ଆରାୟ୍ ଆଚାସ୍ ।

14 ହିଲ୍ଲାମଠନ୍ ମୁଁୟ୍ ତୁମିମଠନାର୍ ହାକ୍ ଲେକୁଲେ, ବଠଲେକ୍ ତୁମିମଠନ୍ ଉବାକ୍ ଜାଣି ଆଚାସ୍ । ଏ ଉବାମଠନ୍ ମୁଁୟ୍ ତୁମାର୍ ହାକ୍ ଲେକୁଲେ, ବଠଲେକ୍ ଜେ ମୁଲେ ହୁଣି ଆଚେ ତାକ୍ ତୁମିମଠନ୍ ଜାଣିଆଚାସ୍, ଏ ଦଙ୍ଗ୍ଲା ହିଲ୍ଲାମଠନ୍ ମୁଁୟ୍ ତୁମାର୍ ହାକ୍ ଲେକୁଲେ, ବଠଲେକ୍ ତୁମିମଠନ୍ ସଠକାତିଆ ଆରେକ୍ ଇସ୍ପରାର୍ ବିସୟ୍ ତୁମାର୍ ତଠୟ୍ ଆଚେ ଆର୍ ତୁମିମଠନ୍ ହାହ୍ ଆମ୍ବାକେ ଆରାୟ୍ ଆଚାସ୍ ।

☆ 2:7 ୨:୭ ଜହ୍ ୧୩:୩୪. \* 2:10 ୨:୧୦ କେ ଅଲେ, ନୟ୍ଲେକ୍ ଅଠମି ।

### ଜଃଗତ୍‌କେ ଲାଡ଼ ନଃକେରା

15 ଇ ଜଃଗତ୍‌କେ କି ଜଃଗତାର ବିସୟକେ ଲାଡ଼ କଃରାନାୟ । କେ ଜଦି ଇ ଜଃଗତ୍‌କେ ଲାଡ଼ କଃରେଦ୍ ଉବାର୍ ଲାଡ଼ ତାର୍ ତଃୟ୍ ନାୟ । 16 ବଃଲେକ୍ ଗଃଗାଲାର୍ ଇଚା ଆକିର୍ ଇଚା ଆର୍ ଅଃମାର୍ ଜାୟ୍ ଦଃନ୍ ଆଚେ ସେତାର୍ ଗିନେ ଜଃଗତାର୍ ଗଃର୍ବ୍ କଃର୍ତ୍ତାର୍, ଜଃଗତେ ରିଲା ଇସଃବୁ ବିସୟ୍ ଉବାର୍ ତଃୟ୍ ହୁଣି ନାୟ୍, ମଃତର୍ ସଃଙ୍ଘାରେ ହୁଣି ଆସିଆଚେ । 17 ଜଃଗତ୍ ଆର୍ ସେତିର୍ ଇଚା ଦୁୟ୍‌ଦିନିଆ, ମଃତର୍ ଜେ ଇସ୍‌ରାର୍ ଇଚା ହାଲେଦ୍ ସେ ଜୁଗେଜୁଗେ ରିଃୟ୍ ।

### କ୍ରିଷ୍ଟର୍ ସଃତୁ

18 ଏ ହିଲାମଃନ୍ ସେସକାଲ୍ ହର୍ଲିନି, ଆରେକ୍ ମିର୍ କ୍ରିଷ୍ଟୁଆସେଦ୍ ବଃଲି ତୁମିମଃନ୍ ଜଃନ୍‌କଃରି ସୁଣି ରିଲାସ୍, ସେନ୍‌କଃରି ଅଃବେ ହେଁ ଗାଦେକ୍ ମିର୍ କ୍ରିଷ୍ଟୁମଃନ୍ ବାର୍ଲାୟ୍‌ନି; ଇତାକ୍ ଅଃମିମଃନ୍ ଜାଣୁ ଜେ ସେସ୍ କାଲ୍ ହର୍ଲିନି । 19 ସେମଃନ୍ ଅଃମିମଃନାର୍ ବିତ୍ତେ ହୁଣି ବାରାୟ୍‌ଲାୟ୍, ମଃତର୍ ଅଃମାର୍ ଦଃଲାର୍ ଲକ୍ ନଃରିଲାୟ୍; ବଃଲେକ୍ ଜଦି ସଃତ୍‌କଃରି ଅଃମାର୍ ଦଃଲାର୍ ଲକ୍ ଅୟ୍‌ରିଲେକ୍, ଅଃମାର୍ ସଃଙ୍ଘ୍ ରିଲାୟ୍‌ହୁଣି; ମଃତର୍ ସେମଃନ୍ ଜେ ଅଃମାର୍ ଦଃଲାର୍ ଲକ୍ ନୟ୍ ଇରି ଜଃନ୍‌କଃରି ଜାଣା ହଃଲେଦ୍ ଇତାର୍ ଗିନେ ସେମଃନ୍ ବାରାୟ୍ ଗଃଲାୟ୍ ।

20 ତୁମିମଃନ୍ ସେ ପବିତ୍ର ମାନାୟ୍ ତଃୟ୍‌ହୁଣି ଦାନ୍ ହାୟ୍ ରିଲାକ୍ ତୁମି ସଃବୁଲକ୍ ଗିଆନ୍ ହାୟ୍ ଆଚାସ୍ । 21 ତୁମିମଃନ୍ ସଃତ୍ ଜାଣି ନଃରିଲାର୍ ଗିନେ ମୁଁୟ୍ ଜେ ତୁମିମଃନାର୍ ହାକ୍ ଲେକ୍‌ଲେ ସେରି ନାୟ୍, ମଃତର୍ ତୁମିମଃନ୍ ସଃତ୍ ଜାଣିରିଲାକ୍ ଲେକ୍‌ଲେ । ସଃତେହୁଣି ମିର୍ ଜାଡ଼ ନୟ୍ ବଃଲି ଜାଣିରିଲାକ୍ ମୁଁୟ୍ ତୁମାର୍ ହାକ୍ ଲେକ୍‌ଲେ ।

22 ଜିସୁ ଜେ କ୍ରିଷ୍ଟୁ ଇରି ଜେ ନଃମାନେ ତାର୍ ତଃୟ୍ ହୁଣି ଆର୍ ମିତୁଆ କେ ? ଜେ ଇସ୍‌ର ଆର୍ କ୍ରିଷ୍ଟୁକେ ନଃମାନେ ସେ କ୍ରିଷ୍ଟୁ ବିରଦି । 23 ଜେ ଇସ୍‌ରାର୍ ହୟ୍‌ସିକ୍ ନଃମାନେ ସେ ଇସ୍‌ରକେ ନଃହାୟ୍; ଜେ କ୍ରିଷ୍ଟୁକେ ମାନେଦ୍ ସେ ଇସ୍‌ରକେ ହେଁ ହାୟ୍ ଆଚେ ।

24 ତୁମିମଃନ୍ ଆରୁମେ ଜାୟ୍‌ରି ସୁଣି ଆଚାସ୍ ସେରି ତୁମାର୍ ତଃୟ୍ ରେଅ । ତୁମିମଃନ୍ ଆରୁମେ ଜାୟ୍‌ରି ସୁଣି ଆଚାସ୍, ସେରି ଜଦି ତୁମାର୍

ତଃମ୍ଭ୍ୟଃ ରଃମ୍ଭ୍ୟଃ ତଃବେ ତୁମିମଃନ ହେଁ କ୍ରିଷ୍ଟୁର ଆର୍ ଇସ୍ବର ତଃମ୍ଭ୍ୟଃ ରିଆସ୍ । 25 ଆର୍ ସେ ଅଃମିମଃନକ୍ ଜାୟ୍ରି ଜଃବାଉ କଃରି ଆଚେ, ସେରି ଅଃମ୍ବର ଜିବନ୍ ।

26 ଜୁୟ୍ ଲକ୍ମଃନ ତୁମିମଃନକେ ଚକ୍ଚୁକେ ଉପାୟ୍ ହାଡ୍ତି, ସେମଃନାର୍ ବିସୟ୍ ମୁୟ୍ ତୁମାର୍ ହାକ୍ ଇ ସଃରୁ ଲେକ୍ଲେ । 27 ମଃତର୍ ତୁମିମଃନକେ କ୍ରିଷ୍ଟୁ ଜିସୁ ତାର୍ ପବିତ୍ରଆମ୍ଭୟ୍ ହୁର୍ନ୍ କଃରିଆଚେ, ତାର୍ ଆମ୍ଭା ତୁମାର୍ ତଃମ୍ଭ୍ୟଃ ରେତା ହଃତେକ୍ ତୁମିମଃନକେ ବିନ୍ଲକ୍ ସିକ୍ୟା ଦଃମ୍ଭୟ୍, ଇରି ତୁମିମଃନାର୍ ଲଳା ନାୟ୍, ପବିତ୍ର ଆମ୍ଭା ସଃରୁ ବିସୟ୍ ଚିକ୍ ସିକ୍ୟା ଦଃମ୍ଭୟ୍ ତାର୍ ସିକ୍ୟା ମିର୍ ନୟ୍ । ସେ ପବିତ୍ର ଆମ୍ଭାର୍ ସିକ୍ୟା ମାନିକଃରି କ୍ରିଷ୍ଟୁର ସଃଙ୍ଗ୍ ମିସିକଃରି ରିଆ ।

28 ତଃବେ ଏ ହିଲ୍ମାମଃନ କ୍ରିଷ୍ଟୁର ତଃମ୍ଭ୍ୟଃ ମିସିରିଆ, ତଃବେ ସେ ଜଃତେବଃଲ୍ ଆସେଦ୍, ତାର୍ ଆସ୍ତା ବଃଲ୍ ତାର୍ ମୁର୍ ଅଃମିମଃନ ଲାଜ୍ ନଃହାୟ୍ ସାସ୍ ସଃଙ୍ଗ୍ ବେଚ୍ ଅଃଉୟ୍ । 29 ଅଃମିମଃନ ଜାଣୁ ଜେ, କ୍ରିଷ୍ଟୁ ନ୍ୟାୟ୍କାରି ଇରି ହେଁ ଅଃମିମଃନ ଜାଣୁ ଜେ, ଜୁୟ୍ମଃନ ଦଃର୍ମ୍ କାମ୍ କଃତ୍ ସେମଃନ ଇସ୍ବରାର୍ ହିଲ୍ମାମଃନ ।

### 3

#### ଇସ୍ବରାର୍ ହିଲ୍ମାମଃନ

1 ☆ଦଃକା ଉବା ଅଃମିମଃନକ୍ କଃତେକ୍ ଲାଡ୍ କଃରି ଆଚେ ଜେ, ଅଃମିମଃନ ଇସ୍ବରାର୍ ହିଲ୍ମା ବଃଲି ତାକେହୁଟୁୟ୍, ଆର୍ ସଃତକଃରି ଅଃମିମଃନ ତାର୍ ହିଲ୍ମାମଃନ, ଇତାର୍ ଗିନେ ଜଃଗଡ୍ ଅଃମିମଃନକ୍ ନଃଚିନୁଲି ବଃଲେକ୍ ସେରି ତାକ୍ ଚିନି ନଃରିଲି । 2 ଏ ଲାତାର୍ ବାୟ୍ବେଣିମଃନ ଅଃବେ ଅଃମିମଃନ ଇସ୍ବରାର୍ ହିଲ୍ମାମଃନ ଆର୍ ଅଃମିମଃନ କଃନ ଅଃଉୟ୍ ସେରି ଅଃବେ ହଃତେକ୍ ଜାଣା ନଃହେଲେତା ଅଃମିମଃନ ଜାଣୁ ଜେ, ସେ ଜଃତେବଃଲ୍ ଆସେଦ୍ ସଃତେବଃଲ୍ ଅଃମିମଃନ ତାର୍, ହର୍ ଅଃଉୟ୍, ବଃଲେକ୍ ସେ ଜଃନକାର୍ ଅଃମିମଃନ ସେନ୍ହର୍ ତାକ୍ ଦଃକ୍ଷୟ୍ 3 ଆର୍ ଜେ କେ ତାର୍

☆ 3:1 ଶା:୧ ଜହ ୧:୧୭.

ଟାଣେ ଇ ବଃସୀ କଃଲୀ ଆଚେ ଇସ୍ବର ଜଃନକାର ପବିତ୍ର, ସେ ସେନ୍ କଃରି ଅଃହଣାକ୍ ପବିତ୍ର କଃର ।

4 ଜୁୟ୍ ଲକ୍ ହାହ୍ କଃରେଦ୍, ସେ ହେଁ ମସାର ବିଦିବିଦାନ୍ ଅମାନ୍ୟା କଃରେଦ୍ କାୟଃତାକ୍ ବଃଲେକ୍ ବିଦି ଅମାନ୍ୟା କଃର୍ତାର ହଃକା ହାହ୍ । 5 \* ତୁମିମଃନ୍ ଜାଣା ଜେ, ସେ ହାହ୍ ବୟ୍ ନେତାର ଗିନେ ଆୟ୍ଲା, ଆର୍ ତାର ଟାଣେ ହାହ୍ ନଃରିଲି । 6 ଜୁୟ୍ ଲକ୍ ତାର ତଃୟ୍ ରଃୟ୍ଦ୍ ସେ ହାହ୍ ନଃକେରେ; ଜୁୟ୍ ଲକ୍ ହାହ୍ କଃରେଦ୍, ସେ ତାକ୍ ନଃଦେକେ କି ତାକ୍ ନଃଜାଣେ ।

7 ଏ ହିଲାମଃନ୍, କେ ତୁମିକେ ଟକି ନଃକେର୍ ଜୁୟ୍ ଲକ୍ ଦଃର୍ମ୍ ଜିବନ୍ କାଟେଦ୍ ଜିସୁ ଜଃନକଃରି ଦଃର୍ମ୍ ସେ ସେନକାର ଦଃର୍ମ୍ ଅୟ୍ଦ୍; 8 ଜେ ହାହ୍ କଃରେଦ୍ ସେ ସୟ୍ତାନା ତଃୟ୍ ହୁଣି ଜାଡ୍ ବଃଲେକ୍ ସୟ୍ତାନା ଆରୁମେ ହୁଣି ହାହ୍ କଃରି ଆୟ୍ଲି । ସୟ୍ତାନାର କାମକେ ନାସ୍ କଃରୁକେ ତ ଇସ୍ବରାର ହୟ୍ସି ଆୟ୍ଲା ।

9 ଜୁୟ୍ ଲକ୍ ଇସ୍ବରାର ତଃୟ୍ ହୁଣି ଜାଡ୍ ସେ ହାହ୍ ବୁଡି ନଃରେୟ୍ ବଃଲେକ୍ ଇସ୍ବରାର ବିଆନ୍ ତାର ତଃୟ୍ ରଃୟ୍ଦ୍, ଆର୍ ସେ ଇସ୍ବରାର ତଃୟ୍ ହୁଣି ଜଃଲମ୍ ଅୟ୍ରିଲାକ୍ ହାହ୍ କଃରୁ ନାହାରେ । 10 ଇତି କେ ଇସ୍ବରାର ହିଲା ଆର୍ କେ ସୟ୍ତାନାର ହିଲା, ଇରି ଜାଣା ହଃଲେଦ୍; ଜୁୟ୍ ଲକ୍ ଦଃର୍ମ୍ ଜିବନ୍ ନଃକାଟେ, କି କ୍ରିସ୍ଟିଆନ୍ ବାୟ୍ବେଣିକେ ଲାଡ୍ ନଃକେରେ ସେ ଇସ୍ବର ତଃୟ୍ ହୁଣି ଜଃଲମ୍ ନୟ୍ ।

ଏକ୍ ଆରେକ୍ କେ ଲାଡ୍ କଃରା

11 \* ବଃଲେକ୍ ଅଃମିମଃନ୍ ଜେ ଏକ୍ ଆରେକ୍ କେ ଲାଡ୍ କଃରା ଆର୍ ଏକ୍ ଆରେକ୍ କେ ଲାଡ୍ କଃର୍ତା ଦଃରକାର୍, ଇ କଃତା ତୁମିମଃନ୍ ମୁଲେହୁଣି ସୁଣି ଆଚାସ୍ । 12 ହାହ୍ ଆମ୍ବାର ହିଲା ଜେ କଇନ ତାର ହର୍ ଅଃଉଆ ନାୟ୍, ସେ ନିଜାର ବାୟ୍ କ୍ ମଃନେଁ ମାରଲା ଆର୍ ସେ ତାକ୍ କାୟ୍ତାକ୍ ଅଃତ୍ୟା କଃଲୀ ? ବଃଲେକ୍ ତାର କାମ୍ ହୁରାହୁରି ହାହ୍ ଆର୍ ତାର ବାୟ୍ କାମ୍ ଟିକ୍ ରିଲି ।

☆ 3:5 ଶା:୫ ଜହ ୧:୨୯. \* 3:5 ଶା:୫ ହାହ୍ - କଃତିଗର୍ ହର୍ନା ପୁସ୍ତକେ ଅଃମାର ହାହ୍ ବଃଲି ଆଚେ । ☆ 3:11 ଶା:୧୧ ଜହ ୧୩:୩୪.

13 ଏ ବାୟୁବେଣିମାତ୍ର ଜଣଗତ୍ ଜଦି ତୁମିକେ ଗିଣ୍ କଠରେଦ୍ ତୁମିମାତ୍ର କାବା ଅଠଥା ନାୟ । 14 \*ଜଦି ଅଠମିମାତ୍ର ବିସ୍ତାସି ବାୟୁବେଣି ମାତ୍ରକେ ଲାଡ଼କଠରୁଲୁ, ଅଠମିମାତ୍ର ଜାଣୁଲୁ ଜେ ଅଠମିମାତ୍ର ମାତ୍ରକେ ଜିଣିକଠରି ଜିବନେ ହଚି ଆରୁ, ସେତାକ୍ ଅଠମିମାତ୍ର ବିସ୍ତାସି ବାୟୁବେଣି ମାତ୍ରକେ ଲାଡ଼ କଠରୁଲୁ । ଜେ ଲାଡ଼ ନଠକେରେ, ଅଠବେ ହେଁ ସେ ମାତ୍ରନାଠ ତଠଲେ ଆଚେ । 15 ଜେ ଅଠହଣାର ବାୟୁବେଣିକେ ଲାଡ଼ ନଠକେରେ ସେ ନଠରୁମାରୁ; ଆର ନଠରୁମାରୁ ତଠୟ ଜେ ଅଠମ୍ବର ଜିବନ୍ ନାୟ ଇରି ତୁମିମାତ୍ର ଜାଣା 16 ଜିସୁକ୍ରିଷ୍ଟ ଅଠମାର ଗିନେ ଜିବନ୍ ଦିଲାକ୍, ଅଠମିମାତ୍ର ଲାଡ଼ କାୟୁରି ଜାଣି ଆରୁ; ଆରେକ୍ ବାୟୁ ବେଣିମାତ୍ର ଗିନେ ହେଁ ଅଠମାର ଜିବନ୍ ଦେତାର ଲଲା । 17 ମାତ୍ର ଜେ ଜଣଗତାର ଦଠନେ ଦଠନି ଅୟୁ ଅଠହଣାର ବାୟୁବେଣିର ଅକେଟ୍ ଦଠକଲେକ୍ ହେଁ ତାକେ ଦଠୟା ନଠକେରେ ତାର ତଠୟ ଇସ୍ପରାର ଲାଡ଼ କଠନକଠରି ରେଉଁ ହାଚେ ? 18 ଏ ହିଲାମାତ୍ର ଆସା ଅଠମିମାତ୍ର କଠତାୟ କି ଟଣ୍ଡେ ଲାଡ଼ ନଠକେରି କାମେ ଆର ସଠଡ଼କଠରି ଲାଡ଼ କଠରୁଆଁ ।

### ଇସ୍ପରାର ମୁର୍ଦ୍ଧା ସଠର୍ଦା

19 ଅଠମିମାତ୍ର କାମାର ଗିନେ ଅଠମିମାତ୍ର ସଠତାର ହିଲାମାତ୍ର ମାତ୍ରନେ ବଠଲି ଜାଣୁ ହାରୁ । 20 ଆରେକ୍ ଜୁୟ ବିସୟ ହେଁ ଅଠମାର ଜିବନ୍ ଅଠମିମାତ୍ରକ୍ ଦସି କଠରେଦ୍, ସେ ବିସୟେ ସେତାର ଗିନେ ତାର ଚଠମେ ଅଠହଣାମାତ୍ର ମାତ୍ରକେ ତିର କଠରୁ ହାରୁଆଁ; ବଠଲେକ୍ ଇସ୍ପର ଅଠମାର ମାତ୍ରତଠୟହୁଣି ବଠଡ଼ ଆର ସେ ସଠବୁ ଜାଣେଦ୍ 21 ଏ ଲାତାର ବାୟୁମାତ୍ର, ଅଠମାର ମାତ୍ର ଜଦି ଅଠମିକ୍ ଦସି ନଠକେରେ, ତଠନଅୟଲେକ୍ ଇସ୍ପରାର ଚଠମେ ଅଠମାର ସାସ୍ ଆଚେ । 22 ଆର ଅଠମିମାତ୍ର ଜାୟୁରି ହେଁ ମାଗୁୟ୍ ସେରି ସଠବୁ ତାର ତଠୟହୁଣି ହାଉୟ୍, ବଠଲେକ୍ ଅଠମିମାତ୍ର ତାର ବିଦି ମାନ୍ତୁଲୁ, ଆର ତାର ଆକାୟୁ ଜାୟୁରି ନିକ ସେରି କଠରୁଲୁ । 23 \*ତାର ବଲ୍ ଇରି ଜେ, ଅଠମିମାତ୍ର ତାର ହୟସି ଜିସୁ କ୍ରିଷ୍ଟର ନାଉଁଏ ବିସ୍ତାସ୍ କଠରୁଆଁ ଆର ସେ ଦିଲା ବିଦି ହଠକାରେ ସଠବକେ ଲାଡ଼ କଠର୍ତାର ଆଚେ । 24 ଜେ

☆ 3:14 ଶା:୧୪ ଜହ ୫:୨୪. ☆ 3:23 ଶା:୨୩ ଜହ ୧୩:୩୪; ୧୫:୧୨,୧୭.



ତାର ବିଦି ମାନେଦ୍, ସେ ତାର ତଃୟ୍ ରଃୟ୍ଦ୍, ଆର୍ ଇସ୍ବର୍ ସେ ଲକାର୍ ତଃୟ୍ ରଃୟ୍ଦ୍; ଆର୍ ସେ ଜେ, ଅଫାର୍ ତଃୟ୍ ରଃୟ୍ଦ୍ ଇରି ଅଫିମଃନ୍ ସେ ଦିଲା ପବିତ୍ର ଆମ୍ବା ଇରି ଅଫିମଃନ୍ କ୍ ଜାଣାଉଲି ।

## 4

### ଇସ୍ବର ଆମ୍ବା ଆର୍ ମିର୍ ଆମ୍ବା

<sup>1</sup> ଏ ଲାଡାର୍ ବାୟ୍ମଃନ୍ ସଃରୁ ଆମ୍ବାକେ ବିସ୍ବାସ୍ କଃରାନାୟ୍ ମଃତର୍ ଆମ୍ବାମଃନ୍ ଇସ୍ବରାର୍ ତଃୟ୍ ହୁଣି ଆସି ଆର୍ଡି କି ନାୟ୍ ଇରି ସେମଃନ୍କେ ପରିକ୍ୟା କଃରି ଦଃକା କାୟ୍ତାକ୍ବଃଲେକ୍ ଜଃଗତେ ଅଃନେକ୍ ମିର୍ ବାବ୍ବାଦି ବାରାୟ୍ ଆର୍ଡି । <sup>2</sup> ଇଡାର୍ ଗିନେ ତୁମିମଃନ୍ ଇସ୍ବରାର୍ ଆମ୍ବାକେ ଚିନ୍ତୁ ହାରାସ୍, ଜିସୁ କ୍ରିସ୍ଟ୍ ଜେ ମାନାୟ୍ ଗଃଗାଲ୍ ଦଃରି ଆସି ଆଚେ ଇରି ଜୁୟ୍ ଆମ୍ବା ମାନେଦ୍ ସେ ଇସ୍ବରାର୍ ତଃୟ୍ ହୁଣି ଆସି ଆଚେ <sup>3</sup> ଆର୍ ଜୁୟ୍ ଆମ୍ବା ଜିସୁକେ ନଃମାନେ, ସେ ଇସ୍ବରାର୍ ତଃୟ୍ ହୁଣି ନାସେ; ଇରି ମିର୍ କ୍ରିସ୍ଟ୍ ଆମ୍ବା ଜାର୍ ଆସ୍ତା ବିସୟ୍ ତୁମିମଃନ୍ ସୁଣି ଆଚାସ୍, ଆରେକ୍ ସେରି ଅଃବେ ହେଁ ଜଃଗତେ ଆସିଆଚେ ।

<sup>4</sup> ଏ ଲାଡାର୍ ହିଲାମଃନ୍ ତୁମିମଃନ୍ ଇସ୍ବରାର୍ ତଃୟ୍ ହୁଣି ଜାଡ୍ ଆର୍ ତୁମିମଃନ୍ ମିର୍ ବାବ୍ବାଦିମଃନ୍କେ ଜିଣି ଆଚାସ୍ କାୟ୍ତାକ୍ବଃଲେକ୍ ତୁମାର୍ତଃୟ୍ ବାସ୍ କଃତ୍ ରିଲା ଆମ୍ବା, ଜଃଗତେ ବାସ୍ କଃର୍ତ୍ତା ଆମ୍ବା ତଃୟ୍ ହୁଣି ତାର୍ତଃୟ୍ ହୁଣି ବଃଡ୍ । <sup>5</sup> ମିର୍ ବାବ୍ବାଦିମଃନ୍ ଇ ଜଃଗତାର୍, ସେମଃନ୍ ଜଃଗତାର୍ କଃତା କଃଉଡି ଆର୍ ଜଃଗତାର୍ ଲକ୍ମଃନ୍ ସେମଃନାର୍ କଃତା ସୁଣ୍ଡି । <sup>6</sup> ମଃତର୍ ଅଫିମଃନ୍ ଇସ୍ବରାର୍ ତଃୟ୍ ହୁଣି ଜାଡ୍, ଜେ ଇସ୍ବରକେ ଜାଣେଦ୍, ସେ ଅଫାର୍ କଃତା ସୁଣେଦ୍, ଜେ ଇସ୍ବରାର୍ ତଃୟ୍ ହୁଣି ଜାଡ୍ନଃକେରେ ସେ ଅଫାର୍ କଃତା ନଃସୁଣେ, ଇଡାର୍ ଗିନେ ଅଫିମଃନ୍ ସଃଡ୍କାରି ଆମ୍ବା ଆର୍ ମିର୍ ଆମ୍ବାକେ ଚିନ୍ତୁକେ ହାରୁୟ୍ ।

### ଇସ୍ବର୍ ଲାଡକାରି

<sup>7</sup> ଏ ଲାଡାର୍ ବାୟ୍ବେଣିମଃନ୍ ଆସା ଅଫିମଃନ୍ ଏକ୍ଆରେକ୍ ଲାଡ୍ କଃରୁଆଁ, ବଃଲେକ୍ ଲାଡ୍ ଇସ୍ବରାର୍ ତଃୟ୍ ହୁଣି ଜଃଲମ୍, ଆର୍ ଜୁୟ୍ଲକ୍ ଲାଡ୍ କଃରେଦ୍, ସେ ଇସ୍ବରାର୍ ତଃୟ୍ ହୁଣି ଜଃଲମ୍ ଆର୍

ସେ ଇସ୍ଵରକେ ଜାଣେନ୍ ।<sup>8</sup> ଜେ ଏକ୍‌ଆରେକ୍‌କେ ଲାଡ଼ ନଃକେରେ, ସେ ଇସ୍ଵରକେ ନଃଜାଣେ, କାୟଃତାକ୍‌ବଃଲେକ୍‌ ଇସ୍ଵର ତ ଲାଡ଼କାରି<sup>9</sup> ଇରି ହଃକା ଇସ୍ଵରାର୍ ଲାଡ଼ ଅଃମାର୍ ତଃୟ୍ ଜାଣା ହଃଲିଆରେ ଜେ, ଇସ୍ଵର ଅଃହ୍‌ଣାର୍ ଗଟେକ୍‌ବଃଲି ହ୍‌ୟ୍‌ସିକେ ଜଃଗତେ ହଃଟାୟ୍‌ଲା, ଜଃନ୍‌କଃରିକି ଅଃମିଃମଃନ୍ ଜିସ୍ଵର୍ ଗିନେ ଅଃମାର୍ ଜିବନ୍ ହାଉୟ୍ ।<sup>10</sup> ଅଃମିଃମଃନ୍ ଜେ, ଇସ୍ଵରକେ ଲାଡ଼ କଃଲୁ ସେରି ନଃୟ୍, ମଃତର୍ ସେ ଅଃମିଃମଃନ୍‌କ୍ ଲାଡ଼ କଃଲା, ଆରେକ୍‌ ଅଃହ୍‌ଣାର୍ ହ୍‌ୟ୍‌ସିକେ ଅଃମିଃମଃନାର୍ ହାହ୍ ବୟ୍‌ନେଉଁକେ ହଃଟାୟ୍‌ଲା ଇତି ଇସ୍ଵରାର୍ ଲାଡ଼ ଜାଣାହଃଲୁଲି ।

<sup>11</sup> ଏ ଲାଡ଼ାର୍ ବାୟ୍‌ବେଣିଃମଃନ୍, ଇସ୍ଵର ଜଦି ଅଃମିକ୍‌ ଇଃଃକମ୍ ଲାଡ଼ କଃଲା, ତଃବେ ଅଃମି ହେଁ ଏକ୍‌ଆରେକ୍‌କେ ଲାଡ଼ କଃର୍ତ୍ତା ଲଲା ଆରେ ।<sup>12</sup> ☆କେ ହେଁ କଃବେ ଇସ୍ଵରକେ ନଃଦେକେ; ଅଃମିଃମଃନ୍ ଜଦି ଏକ୍‌ଆରେକ୍‌କେ ଲାଡ଼ କଃରୁୟ୍ ତଃନ୍‌ଅୟ୍‌ଲେକ୍‌ ଇସ୍ଵର ଅଃମାର୍ ତଃୟ୍ ଆରେ ଆର୍ ତାର୍ ଲାଡ଼ ଅଃମାର୍ ଟାଣେ ହୁରୁଣି ଅୟ୍‌ଆରେ ।

<sup>13</sup> ଅଃମିଃମଃନ୍ ଜେ, ତାର୍ ତୟ୍ ଆରୁ ଆର୍ ସେ ଅଃମାର୍ ତଃୟ୍ ଆରେ, ଇରି ଅଃମିଃମଃନ୍ ଜାଣୁଲୁ, କାୟ୍‌ତାକ୍‌ବଃଲେକ୍‌ ଇସ୍ଵରାର୍ ଅଃମିଃମଃନକ୍ ଅଃହ୍‌ଣାର୍ ପବିତ୍ର ଆମ୍ବାକେ ଦିଲା ଆରେ ।<sup>14</sup> ଉବା ଜେ ହ୍‌ୟ୍‌ସିକେ ଜଃଗତାର୍ ମୁକ୍ତିକାରି ଅଃଉତା ଗିନେ ହଃଟାୟ୍‌ଲା ଆରେ, ଇରି ଅଃମିଃମଃନ୍ ଦଃକି ଆରୁ ଆର୍ ସାକି ଦେଉଁଲୁ ।<sup>15</sup> ଜେ ଜିସ୍ଵକେ ଇସ୍ଵରାର୍ ହ୍‌ୟ୍‌ସି ବଃଲି ମାନେନ୍ ଇସ୍ଵର ତାର୍ ତଃୟ୍ ଆରେ ଆର୍ ସେ ଇସ୍ଵରାର୍ ତଃୟ୍ ଆରେ ।<sup>16</sup> ଆରେକ୍‌ ଅଃମିଃମଃନାର୍ ଗିନେ ଇସ୍ଵରାର୍ ଜୁୟ୍ ଲାଡ଼ ଆରେ, ସେରି ଅଃମିଃମଃନ୍ ଜାଣି ଆରୁ, ଆର୍ ବିସ୍ଵାସ୍ କଃରି ଆରୁ । ଇସ୍ଵର ତ ଲାଡ଼; ଜେ ଲାଲେ ରଃୟ୍‌ଦ୍ ସେ ଇସ୍ଵରାର୍ ତଃୟ୍ ରଃୟ୍‌ଦ୍ ଆର୍ ଇସ୍ଵର ତାର୍ ତଃୟ୍ ରଃୟ୍‌ଦ୍ ।<sup>17</sup> ଇସ୍ଵରକେ ମାନି ଜିବନ୍ କାଟ୍‌ତାର୍ ଗିନେ ଇସ୍ଵରାର୍ ଲାଡ଼ ଅଃମାର୍ ତଃୟ୍ ସିଦ୍ ଅୟ୍‌ଆରେ । ଇତି ଲାଡ଼ ଅଃମାର୍ ବିତ୍ତେ ହୁରା ଅୟ୍‌ଆରେ ଜେ, ବିଚାର୍ ଦିନ୍ ଅଃମିଃମଃନ୍ ସାସ୍ ହାଉୟ୍ ବଃଲେକ୍‌ ସେ ଜଃନ୍‌କଃରି ଆରେ, ଅଃମିଃମଃନ୍ ହେଁ ଇ ଜଃଗତେ ସେନ୍ କଃରିଆରୁ ।<sup>18</sup> ଲାଲେ ଡିର୍ ନଃରେୟ୍; ମଃତର୍ ହୁରା ଲାଡ଼ ଡିର୍‌କେ ଦୁର୍ କଃରେଦ୍, ବଃଲେକ୍

☆ 4:12 ୪:୧୨ ଜହ୍ ୧:୧୮.

ଡିର ସଞ୍ଜ ତଃଣ୍ଡ ମିସିଆଚେ ଆର୍ ଜେ ଡିରେନ୍, ସେ ଲାଡେ ହୁନ୍ ନାୟ ।

19 ଇସ୍ଵର ହଃର୍ଡ଼୍ ମ୍ ଅଃମିମଃନ୍ କ ଲାଡ଼ କଃଲାକ୍ ଅଃମିମଃନ୍ କଃଲୁ । 20 ଇସ୍ଵରକେ ଲାଡ଼ କଃରୁଲେ ବଃଲି କୟ୍ କଃରି ଜଦି କେ ବିସ୍ଵାସି ବାୟ୍ ବେଣିକେ ଗିଣ୍ କଃରେନ୍ ତଃନ୍ ଅଲେ ସେ ମିଚୁଆ, ତଃବେ ଜୁୟ୍ ବାୟ୍ କ୍ ଦଃକୁଲା, ଜଦି ତାକେ ଲାଡ଼ ନଃକେରେ, ତଃବେ ଜୁୟ୍ ଇସ୍ଵରକେ ସେ ନଃଦେକେ, ତାକ୍ ଲାଡ଼ କଃରୁ ନାହାରେ । 21 ଜେ ଇସ୍ଵରକେ ଲାଡ଼ କଃରେନ୍ ସେ ଅଃହଣାର୍ ବାୟ୍ ବେଣିକେ ହେଁ ଲାଡ଼ କଃର ଇ ବିଦି ଅଃମିମଃନ୍ ତାର୍ ତଃୟ୍ ହୁଣି ହାୟ୍ ଆଚୁ ।

## 5

### ଜଃଗଡ଼କେ ଜିଣିତାର୍

1 ଜେ ଜିସୁକେ କ୍ରିଷ୍ଟୁ ବଃଲି ବିସ୍ଵାସ୍ କଃରେନ୍ ସେ ଇସ୍ଵରାର୍ ତଃୟ୍ ହୁଣି ଜଃଲମ୍, ଆର୍ ଜେ ଜଃଲମ୍ ଦେଉଁକେ ଲାଡ଼ କଃରେନ୍ ସେ ତାର୍ ତଃୟ୍ ହୁଣି ଜଃଲମ୍ ଅୟ୍ ରିଲା ହିଲାମଃନ୍ କେ ହେଁ ଲାଡ଼ କଃରେନ୍ 2 ଅଃମିମଃନ୍ ଜଃଡେବଃଲ୍ ଇସ୍ଵରକେ ଲାଡ଼ କଃରୁୟ୍ ଆର୍ ତାର୍ ବିଦି ମାନୁୟ୍ ସଃଡେବଃଲ୍ ଜାଣୁ ହାରୁୟ୍ ଜେ ଅଃମିମଃନ୍ ଇସ୍ଵରାର୍ ହିଲାମଃନ୍ କେ ଲାଡ଼ କଃରୁଲୁ । 3 \*ବଃଲେକ୍ ଇସ୍ଵରକେ ଲାଡ଼ କଃର୍ତା ଅଃର୍ଡ଼୍ ଅଃଉଁଲି ତାର୍ ବଲ୍ ମାନତାର୍, ଆର୍ ତାର୍ ବିଦି ସଃବୁ ଜଃବର କଃଷ୍ଟୁ ନାୟ । 4 ଜେ ଇସ୍ଵରାର୍ ତଃୟ୍ ହୁଣି ଜାଡ଼ ସେ ଜଃଗଡ଼କେ ଜିଣିଆଚେ, ଆର୍ ଜୁୟ୍ ରି ଜଃଗଡ଼କେ ଜିଣି ଆଚେ, ସେରି ଅଃମାର୍ ବିସ୍ଵାସ୍ । 5 ଜିସୁ ଇସ୍ଵରାର୍ ହୟ୍ ସି, ଇରି ଜେ ବିସ୍ଵାସ୍ କଃରେନ୍, ସେ ହଃକା ଜଃଗଡ଼କେ ଜିଣେଦ୍ ।

### ଜିସୁ କ୍ରିଷ୍ଟର୍ ସାକି

6 ଜିସୁ କ୍ରିଷ୍ଟୁ ଇସ୍ଵରାର୍ ହୟ୍ ସି ବଃଲି ବାପ୍ତିସମ୍ ଦଃୟ୍ ଆର୍ ନିଜାର୍ ବଃନି ଦଃୟ୍ ମାନାୟ୍ ର୍ ମୁକ୍ତି ସାଦୁନ୍ କଃଲାର୍ ଗିନେ ଜାଣାୟ୍ ରିଲା, ମଃତର୍ ହାଣାୟ୍ ହଃକା ନୟ୍ ମଃତର୍ ବଃନି ଆର୍ ହାଣି ନଃୟ୍ ଆସିରିଲା, ଆମ୍ ହେଁ ଇଡିର ସାକି ଦେଉଁଲା ଆମ୍ ସେ ସଃଡ଼ । 7 ଆର୍ ଇ ଡିନି ହଃକା ସାକି ଆଡ଼ି । 8 ଆମ୍, ହାଣି, ଆର୍ ବଃନି ଇ ଡିନିଗର୍

☆ 5:3 ଃଂଂ ଜହ ୧୪:୧୫.

ସାକି ଏକ । <sup>9</sup> ଅଃମିମଃନ୍ ଜଦି ନଃରାର ସାକି ସଃଡ଼ କଃରୁନ୍, ତଃବେ ଇସ୍ପରାର ସାକି ସେ ସାକି ତଃୟ୍‌ହୁଣି ବଃଡ଼, ଆର୍ ଇସ୍ପରାର ସାକି ଇରି ଜେ, ସେ ଅଃହ୍‌ଣାର ହ୍‌ୟ୍‌ସିର୍ କଃତା ସାକି ଦଃୟ୍ ଆଚେ । <sup>10</sup> ଜେ ଇସ୍ପରାର ହ୍‌ୟ୍‌ସିର୍ ତଃୟ୍ ବିସ୍ପାସ୍ କଃରେଦ୍ ସେ ଅଃହ୍‌ଣାର ଗଃର୍ବେ ହୁଣି ଇ ସାକି ହ୍‌ୟ୍ ଆଚେ; ଜେ ଇସ୍ପରାର ସାକି ବିସ୍ପାସ୍ ନଃକେରେ, ସେ ଇସ୍ପରକେ ମିରୁଆ କଃରି ଆଚେ, କାୟ୍‌ତାକ୍‌ବଃଲେକ୍ ଇସ୍ପର ଅଃହ୍‌ଣାର ହ୍‌ୟ୍‌ସି ବିସୟେ ଜୁୟ୍ ସାକି ଦଃୟ୍ ଆଚେ, ସେତି ସେ ବିସ୍ପାସ୍ ନଃକେରେ । <sup>11</sup> \*ସେ ସାକି ଜେ, ଇସ୍ପର ଅଃମିମଃନ୍‌କ୍ ଅଃମ୍ବର୍ ଜିବନ୍ ଦଃୟ୍ ଆଚେ, ଆରେକ୍ ସେ ଜିବନ୍ ତାର ହ୍‌ୟ୍‌ସି ଟାଣେ ଆଚେ । <sup>12</sup> ଜେ ହ୍‌ୟ୍‌ସିକ୍ ହ୍‌ୟ୍ ଆଚେ, ସେ ଜିବନ୍ ହ୍‌ୟ୍ ଆଚେ; ଜେ, ଇସ୍ପରାର ହ୍‌ୟ୍‌ସିକେ ନଃହ୍‌ୟ୍, ସେ ଜିବନ୍‌କେ ହ୍‌ୟ୍ ନଃହ୍‌ୟ୍ ।

### ଅଃମ୍ବର୍ ଜିବନ୍

<sup>13</sup> ଇସ୍ପରାର ହ୍‌ୟ୍‌ସିର୍ ନାଉଁଏ ବିସ୍ପାସ୍ କଃରୁଲ୍‌ାସ୍ ଜେ, ତୁମିମଃନ୍, ତୁମିମଃନ୍ ଜଃନ୍‌କଃରି ଜାଣା ଜେ, ତୁମିମଃନ୍ ଅଃମ୍ବର୍ ଜିବନ୍ ହ୍‌ୟ୍ ଆଚାସ୍, ଇତାର ଗିନେ ମୁୟ୍ ତୁମିମଃନାର ଇସଃବୁ ଲେକ୍‌ଲେ । <sup>14</sup> ଅଃମିମଃନ୍ ଜଃବେ ତାର ଇଚା ହ୍‌ୟ୍‌କାରେ ଜାୟ୍ ହ୍‌ୟ୍ ପାଡ଼ିନା କଃରୁନ୍, ତଃବେ ସେ ଅଃମାର ସେ ପାଡ଼ିନା ସୁଣେଦ୍, ତାର ଚଃମେ ଅଃମାର ଇ ସାସ୍ ଆଚେ । <sup>15</sup> ଆର୍ ଅଃମିମଃନ୍ ତାର ହ୍‌ୟ୍‌କ୍ ଜାୟ୍‌ରି ହ୍‌ୟ୍ ପାଡ଼ିନା କଃରୁନ୍, ସେରି ସେ ସୁଣେଦ୍ ବଃଲି ଜଦି ଅଃମିମଃନ୍ ଜାଣୁଲ୍, ତଃବେ ତାର ଟାଣେ ଜାୟ୍‌ରି ପାଡ଼ିନା କଃରି ଆରୁ, ସେରି ସଃବୁ ଜେ ହ୍‌ୟ୍ ଆରୁ ଇରି ହ୍‌ୟ୍ ଜାଣୁକେ ଦଃର୍‌କାର ।

<sup>16</sup> କେ ଜଃବେ ବାୟ୍‌କ୍ ହ୍‌ୟ୍ କଃର୍ତ୍ତାର ଦଃକାସ୍ ଆର୍ ସେ ହ୍‌ୟ୍ ମଃର୍ତ୍ତା ହ୍‌ୟ୍ ଅୟ୍ ନଃରେୟ୍, ତାର ହ୍‌ୟ୍ ଇସ୍ପରକେ ପାଡ଼ିନା କଃରା, ଆର୍ ଇସ୍ପର ତାକେ କେମା କଃରି ଜିବନ୍ ଦଃୟ୍‌ଦ୍ । ଜୁୟ୍ ଲକାର୍ ହ୍‌ୟ୍ ମଃର୍ତ୍ତା ହ୍‌ୟ୍‌ତାର ସେ ବିସୟେ ମୁୟ୍ ପାଡ଼ିନା କଃରୁକେ ମୁୟ୍ ନଃକୟ୍ । <sup>17</sup> ସଃବୁ ଅଃଦଃର୍ତ୍ତା ହ୍‌ୟ୍, ମଃତର୍ ସଃବୁ ହ୍‌ୟ୍ ମଃର୍ତ୍ତା ହ୍‌ୟ୍ ନାୟ୍ ।

\* 5:11 ୫:୧୧ ଜହ୍ ୩:୩୭.

18 ଜେ ଇସ୍ରାୟର ତଃୟୁହୁଣି ଜାଡ଼, ସେ ଜେ ହାହେ ବୁଡ଼ି ନଃରେୟୁ ମଃତର ସେ ଇସ୍ରାୟର ତଃୟୁହୁଣି ଜଃଲମ୍ ଅୟ ନିଜକେ ରଃକ୍ୟା କଃରେୟୁ, ଆର୍ ହାହ୍ ଆମ୍ ତାକ୍ ଚିଉଁକ୍ ନାହାରେ ଇରି ଅଃମିମଃନ୍ ଜାଣି ଆରୁ ।

19 ଅଃମିମଃନ୍ ଜେ ଇସ୍ରାୟର ତଃୟୁହୁଣି ଜଃଲମ୍ ଆର୍ ଜଃଗଡ଼ଜାକ ଜେ ହାହ୍ ଆମ୍ ତଃଲେ ଆଚେ, ଇରି ଅଃମିମଃନ୍ ଜାଣି ଆରୁ ।

20 ଆରେକ୍ ହେଁ ଅଃମିମଃନ୍ ଜାଣୁ ଜେ, ଇସ୍ରାୟର ହୟସି ଆସି ଆଚେ ଆର୍ ସଃଡ଼ ଇସ୍ରାୟ ତାକେ ଜାଣୁକେ ଅଃମିମଃନ୍ କ୍ ଗିଆନ୍ ଦଃୟୁ ଆଚେ; ଆରେକ୍ ଅଃମିମଃନ୍ ସେ ସଃଡ଼ ତଃୟୁ ବଃଲେକ୍ ତାର୍ ହୟସି ଜିସୁ କ୍ରିସ୍ତୁର୍ ତଃୟୁ ରେଉଁଆ । ସେ ସଃଡ଼ ଇସ୍ରାୟ ଆର୍ ସେ ହଃକା ଅଃମ୍ବର ଜିବନ୍ ।

21 ଏ ହିଲାମଃନ୍ ମିର୍ ମୁତ ଦେବାଦେବି ମଃନାର୍ ତଃୟୁହୁଣି ଅଃହଣା ଅଃହଣାକ୍ ବଚାଉଆ ।

**ସଂଗୀତ ବାବୁ ନଂଞ୍ଞା ନିଅମ୍**  
**The New Testament in the Bodo Parja language of India**

copyright © 2020 The Word for the World International

Language: ବଡ଼ ପରଜା (Bodo Parja)

Contributor: The Word for the World International

**ସଂଗୀତ ବାବୁ ନଂଞ୍ଞା ନିଅମ୍**

The New Testament in Bodo Parja Language

The Word for the World

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-06

---

PDF generated using Haiola and XeLaTeX on 21 Feb 2024 from source files dated 7 Apr 2023

bd555ec3-1c47-52d5-9510-170234870e46